



Iglüminaziun publica Brail - Lavin – decisiun da princip

La suprastanza cumünala s'ha exprimada cunter la proposta da stüder tuot l'iglüminaziun publica da las 24h fin las 5h illas quatter fracziuns da Brail fin Lavin ed uschè eir in tuot l'Engiadina Bassa. Il Cumün da Zernez ha fingià decis diversas masüras da respargn, p. ex. scrauvgià inavo l'iglüminaziun dal Center da Sport, adattamaints da respargn sül sector da l'iglüminaziun da la loipa da not, dal glatsch artificial, da la producziun da naiv artificiala eui. Ün grond argumaint per quista decisiun es eir stat cha la via maistra va tras trais fracziuns da cumün.

Iglüminaziun publica – dumonda da credit extraordinari

In connex cun las discussiuns e la problematica da spargnar energia es la suprastanza cumünala gnüda a la conclusiun da proseguir plü svelt pussibel cul rimplazzamaint da l'iglüminaziun publica sül sistem dad LED. Perquai ha il gremi respunsabel deliberà ün credit extraordinari da 50'000 chf pel rimplazzamaint da ca. 50 glüms. Plünavant dessan già gnir rimplazzadas tuot las glüms pussiblas sül traget dal proget da la sanaziun da la via maistras tras Zernez, cun inchargiar il credit da proget.

Planisaziun d'areal Cul - adattamaints da la planisaziun – decisiun da seguonda publicaziun

Principi 2022 ha gnü lö la prüma publicaziun uffiziala d'intervenziun da la planisaziun d'areal Cul. Dürant quista publicaziun sun entradas diversas intervenziuns da partidas pertoccas chi sun in seguit gnüdas trattadas dals gremis respunsabels. La documainta da publicaziun es uossa pronta per manar tras üna seguonda publicaziun, chi fa dasbögn in quist cas. Il gremi ha approvà la documainta e l'agir. La publicaziun varà lö principi schner 2023.

Surdatta / surtutta – perioda d'uffizi 2019-2022

In üna sezzüda cumünaivla tanter la suprastanza cumünala partenta, la suprastanza cumünala ventura e la direcziun operativa s'han ils gremis informats sur da progets actuals e futurs. Las incumbenzas dals divers dicasteris sun gnüts surdats a la nouva suprastanza cumünala.